

MARGARÍ



Mentres se peiteaba Cipi oíu unha vociña:

-Ha,ha ! Que peiteado tan divertido tes!

Virou, pero alí ao seu carón non había máis que unha margarida que estiraba a cabeciña por fóra da herba para deixarse bicar polos raios do sol.

-Quen falou? -dixo Cipi.

A flor, ante unha pregunta tan brusca, púxose avermellada ata a punta dos pétalos, intentou agachar a cara na corola e cun fío de voz respondeu:

-Eu ..., fun eu...

Cipi botouse a rir:

-Ti fas comentarios sobre un paxaro? Como te chamas?



-Chámanme... Margarí -Contestou abrindo un pouco os pétalos para deixar oír a voz- . E ti?

-A min, en cambio, chámanme... Cipi.

-Nunca te vexo por aquí -seguiu Margarí con máis valor -por que nunca vés, ti que tes ás? É un sitio estupendo sabes? Aquí, agochada na herba, vexo a Bóla de Lume en todo o seu traxecto e oíu a auga contar historias de países afastados... Non creo que haxa un lugar máis fermoso que este... -suspirou e rematou. Estou entre tantas cousas fermosas e, sen embargo, síntome tan soa... Hai moitos días que o vento se esqueceu de min é o único aloumiño que recibo é o dunha vella serpe que pasa por aquí cando vai cazar ras.

-Que é a serpe? -preguntou Cipi curioso.

-É unha criatura sen ás nin patas, brillante e lisa, que escorrega silandeira entre as herbas e fai un aloumiño longo coma de ti a min; pero nunca se para, faime aloumiños e vaise. Por que non vés facerme compañía algunha vez? -suplicou a floriña abrindo atrevidamente os pétalos.

-Virei -prometeu Cipi -pero agora teño que marchar; a miña nai e os meus irmáns remataron de bañarse.

Mario Lodi, "CIPÍ"

Sabes que quere dicir a palabra **escorregar**? Elixo as palabras que teñan o mesmo significado.

esvarar andar escorrer saltar

E **aloumiño**? Elixo a palabra que teña o mesmo significado.

bico caricia labazada

Quen son os dous personaxes do conto? Marca as respostas correctas.

☐ A serpe ☐ Cipi ☐ O sol ☐ Margarí

Quen é Bóla de Lume? Bóla de Lume é

Quen di: "Síntocheme tan soa".

Con que obxectivo o di?

Completa os substantivos cos adxectivos máis axeitados.

Brusco humilde vergonzosa fachendoso

CIPI	MARGARÍ

A estas palabras fáltanlles as vogais. Escríbellas e terás nomes de flores.

M _ R G _ R _ D _ P _ P _ _ L _ C _ R _ V _ L

D _ L _ _ X _ R _ S _ L CH _ R _ M _

CEIP Juan Fernández Latorre